

四明叢書

張宗祥



史略卷三

宋鄞縣高似孫續古撰

東觀漢記

歷代春秋

歷代紀

實錄

起居注

唐左右史竊劫書事

延英殿時政

太后又詔珍與劉駒駱作建武以來名臣傳李尤字伯仁安帝時受詔與謁者僕射劉珍等俱撰漢記又按顯宗起居注明德皇后自撰漢之后宮好文通史有如此者其後有後漢記一百卷晉散騎常侍薛瑩所撰常木諸此永元十三年正月丁丑和帝幸東觀覽書林閱篇籍博選藝術之士充其官洛陽宮殿名曰南宮有東觀永初中學者稱東觀爲老氏藏室道家蓬萊山太僕鄧康薦竇章入東觀靈帝詔圖高武象於東觀

入東觀人

劉珍

劉駒駘

馬融

蔡邕

張衡

曹褒

黃香

李尤

楊彪

馬日磾

盧植

劉知幾曰後漢東觀大集羣儒而著述無主條章靡立
伯度譏其不實公理以爲可焚張蔡二子糾之於當代
傅范二家嗤之於後葉

漢記中鄧禹傳

序曰賢駿思聖主風雲從龍武自然之應也鄧禹以弱
冠暗廢興之兆廩糧筭馬以追世祖遂信竹帛之願建

社稷之謀襲蕭何之爵位可謂材難矣受命之初躬率
六師中興治定勒號泰山聖上繼體立師傅位三公功
德之極而禹兼之易稱利見大人詩有白求多福其禹
之謂與

漢記中吳漢傳

序曰自古異代之忠其詳不可得聞也已近觀大漢高
祖世祖受命之會建功垂名之忠察其屈伸固非鄉舉
里選所能拔也吳漢起鄉亭由逆旅假階韓鴻發筴彭
寵然後遇乎聖王把施杖鉞佐平諸夏東征海嶠北臨

塞漠西踰隴山南平巴蜀遂斬公孫述延岑劉永董憲之首斯其跨制州域竊號帝王章章可數者燦起糜沸之徒其所灑掃歟矣天下既定將帥論功吳公爲大覽其戰剋行事無知名無勇功令合於孫吳何者建武之行師計出於主心勝決廟堂將帥咸承靈書倚威靈以治剋亂以智取愚其勢然也及漢持盈守位勞謙小心懼以終始勒功帝佐同名上古盛矣哉

右劉知幾大譏漢記述前人之言以爲可焚可嗤其對蕭至忠有曰古之國史皆出一家未嘗籍功於眾

惟後漢東觀集羣儒纂述人人自爲政駿其言盡之
矣今姑錄二序於前夫張衡蔡邕豈不以辭筆自騁
而所序者如此是可與班馬抗歟

歷代春秋

戰國春秋 二十卷

趙曄吳越春秋 十二卷又有楊方吳越春秋附
卷 纂五卷皇甫遵吳越春秋傳十

陸賈楚漢春秋 九卷

司馬彪九州春秋 十卷記漢末事又有九州
春秋抄一卷劉孝標注

袁曄漢獻帝春秋 十卷

孔衍漢春秋 十卷

孔衍後漢春秋 六卷

孔舒元漢魏春秋 九卷

孫盛魏氏春秋 二十卷又有魏陽秋
異同八卷陳壽撰

員半千三國春秋 三十卷

崔良輔三國春秋 卷亡
涿州安平人日用從子居白鹿山門人謚曰貞文

習鑿齒漢晉陽秋 晉榮陽太守字彥威襄陽人博學洽聞以文筆著

孫盛晉陽秋 三十二卷
訖哀帝盛著魏氏春秋晉陽秋詞直而理正咸解良史焉

字安國
太原人

檀道鸞續晉陽秋

二十卷
宋永嘉太守

王韶之晉陽秋

韶之琅琊臨沂人也私撰晉陽秋成時人謂之宜居史職卽除

著作郎使續後事訖義熙九年
善敘事辭論可觀爲後世佳史

杜延篤晉春秋略

二十卷
唐人

王琰宋春秋

二十卷
梁吳興令

鮑衡卿宋春秋

二十卷

吳均齊春秋

三十卷

臧嚴栖鳳春秋

五卷

吳兢唐春秋 三十卷

韋述唐春秋 三十卷

陸長源唐春秋 六十卷

尹洙五代春秋 二卷

崔鴻三十國春秋 百二十卷
魏人

十六國春秋略 二卷

蕭方三十國春秋 三十卷
漢中元建安訖晉元熙凡一百五十六年以晉爲

主包吳孫劉元海等三十國事又有三十國春秋鈔二卷

包胥河洛春秋

武敏之三十國春秋 一百卷

太史公作史記最采楚漢春秋意其論著瓌傑弘愼必有以合乎軌轍者今得楚漢春秋讀之不見其奇試以一二言之其一曰沛公閉函谷關無內項王項王大將亞父至關不得入怒曰沛公欲反卽令家發薪策欲燒關關門乃開其一曰項王在鴻門亞父諫曰吾使人望沛公其氣衝天五色相糾或似雲或似龍或似人此非人臣之象也不若殺之其一曰上南攻宛匿旌旗人銜枚馬東舌雞未鳴已圍宛城三匝其一曰上過陳留鄴

生求見使者入通方洗足問如何人曰狀類大儒上曰
 吾方以天下爲事未暇見大儒也使者出告酈生瞋目
 按劍入言高陽酒徒非大儒也楚漢春秋所載僅如此
 太史公所采亦以漢初之事未有記載故有取於此乎
 至習鑿齒孫盛檀道鸞作魏晉春秋意義闕達辭采清
 雋斯亦一代之奇著桓溫見盛春秋怒謂盛子曰枋頭
 誠爲失利何至乃如尊君所說其子遽拜請刪定諸子
 號泣請爲百口計盛怒不許諸子自改定之盛乃書兩
 本寄於慕容暉泰元中孝武帝博求異聞殆於遼東得

之以相參校多有不同時溫既覬覦非望鑿齒著漢晉
春秋以裁正之起光武終於晉愍帝三國之時蜀以宗
室爲正魏武雖受漢禪尙爲篡逆文帝平蜀乃漢亡而
晉始興焉二子之作嚴且正矣善乎唐史臣之言曰丘
明旣歿班馬迭興自斯以降分明競爽此之謂乎陽秋
者避晉太后家諱故曰陽秋

歷代紀

荀悅漢紀

三十卷後漢獻帝好典籍常以班固

爲漢紀三十篇繁難省乃令悅依左氏傳體
立典有五志焉一曰達道義二曰法章式三

曰通古今四曰著功勳五曰表賢能於是天
人之際事物之宜粲然顯著罔不備矣漢四
百有六載撥亂反正統武興文永惟祖宗之
洪業思光啟乎萬嗣聖上穆然惟文之恤瞻
前顧後是紹是繼闡崇大猷命立國典於是
綴敘舊書以述漢紀中興以前明主賢臣得
失之執亦足以觀矣麟悅應劭注荀悅漢紀
三十卷唐李大亮為涼州都督表諫求鷹太
宗報書賜荀悅漢紀曰悅論議
深博極為政之體公其繹味之

袁宏後漢紀

三十卷字彥伯自吏部郎為
東陽太守有逸才文章絕美

張璠後漢紀

三十卷

劉艾漢靈獻二帝紀

六卷

環濟吳紀

十卷晉太
學博士

陸機晉紀四卷字士衡晉平原內史天才秀逸辭藻宏麗葛洪稱其文宏麗妍靡英

銳漂逸亦一代之絕乎

鄧粲晉紀十一卷訖明帝晉荊州別駕其傳云善元明紀十篇晉史曰鄧粲謝沈祖

述前史奇辭異義罕見稱焉

干寶晉紀二十卷自宣帝訖愍帝五十二年其書簡略直而能婉成稱良史干寶著

晉論二千七百一十有七言載於晉史者一千八百八十有五言載於通鑑者七百二十

有四言可以爲史有煩亂翦截浮辭之法

曹嘉之晉紀十卷晉前單語議

劉琰晉紀世說注

劉謙之晉紀二十五卷宋中散大夫

王韶之晉紀十卷宋吳興太守字休泰琅琊人善敘事辭論可觀為後代佳史

徐廣晉紀四十五卷宋中散大夫侍中邁之弟世好學至廣尤精純百家數術無不

研究尚書奏有造中興記者煥乎史策宜勅著作郎徐廣撰成國史於是廣勒成晉紀凡

四十六卷表上之

郭季產續晉紀五卷宋新興太守

王智深宋紀三十卷

沈約齊紀十卷

蕭韶梁太清紀十卷梁長沙王

梁末代紀一卷

梁帝紀七卷

梁皇帝紀七卷

盧彥卿後魏紀三十卷

崔彥發北齊紀三十卷

陳彭年唐紀四十卷
本朝人

皇甫湜謂荀氏漢紀強欲復古以爲編年然其善語嘉話細事詳政多所遺矣予以爲不然此書專爲正史繁博而作辭約則事必省事省則史必精編年之體難乎